

SERVIS ZA PRAĆENJE I RAZVOJ AKADEMSKE KARIJERE  
NASTAVNOG OSOBLJA I STUDENATA MUZIČKE AKADEMIJE U SARAJEVU

PROGRAM RADA

Servis za praćenje i razvoj akademske karijere nastavnog osoblja i studenata (SPRAK) Muzičke akademije u Sarajevu djeluje kao dio organizacione strukture Centra za muzičku edukaciju Muzičke akademije (CME), osnovanog 2012.

Misija SPRAK-a je djelovanje u pravcu poboljšanja kvaliteta nastavnog procesa, umjetničkog i naučnog rada nastavnika i kvaliteta stjecanja znanja i osposobljavanja za profesiju studenata.

Vizija SPRAK-a je djelovati u sklopu CME kao servis nastavnicima i studentima u praćenju i podršci razvoju akademske karijere nastavnika i studenata.

Osnovni cilj je pružanje kontinuirane podrške u radu kroz pronalaženje puteva olakšavanja profesionalnog usavršavanja nastavnog osoblja i studenata Muzičke akademije. Osnivanjem SPRAK-a obezbjeđuje se sistematična podrška profesionalnom usavršavanju nastavnog osoblja i studenata.

SPRAK će ispunjavati svoje zadatke implementiranjem aktivnosti svrstanih u dvije osnovne grupe:

1. Aktivnosti podrške nastavnom procesu,
2. Aktivnosti podrške umjetničkom/naučnom istraživanju i profesionalnom razvoju.

#### Nastavnici

Osnovni zadaci SPRAK-a u vezi s praćenjem i razvojem nastavničke karijere su:

- praćenje pedagoškog, umjetničko/naučno-istraživačkog razvoja nastavnog osoblja (*anketiranje, ažuriranje zahtjeva za ljudske resurse Univerziteta, godišnji plan rada i praćenje njegova ispunjenja*),
- podrška stvaranju resursa za unaprjeđenje nastavnog procesa i implementaciji ideja za poboljšanje obrazovanja i podučavanja (*angažovanje osoblja za poslove Servisa*),
- organiziranje umjetničkih/naučnih manifestacija referentnog tipa,
- podrška u procesu izrade i objavljivanja naučnih i stručnih radova, tekstova ili članaka u relevantnim časopisima,
- kontinuirano istraživanje i informiranje o mogućnostima finansiranja umjetničkog/naučno-istraživačkog rada, savremenim metodama podučavanja i mogućnostima profesionalnog razvoja,
- organiziranje razvojnih sesija i edukacije o temama od značaja za razvoj karijere, samostalno i u suradnji sa ostalim službama Akademije,
- pomoć pri uvođenju novih metoda i praksi u nastavni proces,
- informiranje o razvojnim programima i mogućnostima profesionalnog usavršavanja na Akademiji, Univerzitetu, evropskim institucijama,
- priprema materijala za podršku umjetničkim/naučnim istraživačkim naporima (*dizajniranje i štampanje promotivnog materijala, oglašavanje, medijska podrška i sl.*),

- organiziranje razvojnih sesija za nastavno osoblje itd. (*kursevi, razgovori, predavanja, sastanci i sl.*)

Dodatne zadatke i aktivnosti SPRAK definira na osnovu utvrđenih i/ili prodiskutovanih potreba nastavnog osoblja na stručnim tijelima i Nastavno-umjetničkom vijeću.

U vezi s praćenjem i razvojem karijere nastavnika SPRAK će intenzivno kontaktirati s prodekanima i službama Akademije koji su po opisu posla zaduženi za segmente rada Muzičke akademije vezanim za navedenu problematiku.

### Studenti

Zadaci SPRAK-a u vezi sa studentskom karijerom su:

- praćenje karijere studenata za vrijeme studija i poslije studija (Alumni asocijacija – AAMAS),

- organiziranje umjetničkih radionica i drugih oblika edukacije,

- organizacija umjetničkih/naučnih manifestacija za studente,

- pomoć za izradu dokumenata (CV-ja, aplikacija na takmičenja, konkurse za stipendiranje i sl.) koji omogućavaju bolju pripremu za studij i razvoj karijere u toku studija,

- ustanovljavanje volonterskih poslova u organizaciji muzičkih/naučnih manifestacija Akademije,

- pružanje organizacione i materijalne pomoći za odlazak na takmičenja, seminare, festivale i sl., u skladu s mogućnostima Akademije,

- konsultacije za razvoj buduće karijere,

- savjeti i priprema za intervju za posao,

- radionice, treninzi i seminari za razvoj karijere,

- organiziranje razgovora s mogućim budućim poslodavcima.

SPRAK će u vezi s praćenjem i razvojem studentske karijere kontaktirati s AAMAS, Studentskim parlamentom i drugim organizacijama koje mogu pružiti pomoć u vezi s ovim problemom.

SPRAK-om rukovodi Šef Centra za muzičku edukaciju, a pomoć pružaju Odbor za kvalitet, AAMAS, prodekani, nastavnici, saradnici i administrativne službe Muzičke akademije.